

「國家社會科學基金重大項目」

何建明

主編

中國地方志
佛道教文獻匯纂

人物卷

(74)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
佛道教文獻匯纂
(74)

國家圖書館出版社

中國地方志佛道教文獻匯纂·人物卷
江西省 上饒市

上饒縣志

清·程肇豐纂修

清乾隆四十九年（一七八四）刻本

上饒縣志 卷十二

方外書

仙釋 寺觀

神仙家托言老氏老子後百餘年有周太史儋者能
前知與老子姓名而名異其後爲修煉之術伯陽氏
參同契朱子猶爲之註柳柳州多爲浮屠家碑銘而
南嶽大明二碑一主於戒律此釋家之正傳於吾儒
寡欲養心之學猶有合焉者也其後變爲禪屢禪而
與道家同爲祈禱厭禳之術則君子可不道已邑故
有方外志仙釋所居類多勝地且其人未必概無可

紀者載筆者矜慎而出之亦足爲二氏光矣

仙釋

唐

慧覺禪師須江人姓徐氏嘗趺坐於南巖之大義石相傳石以是名後王鵞湖寺勅諡慧覺

按大義爲湖禪師先曾居南巖應詳鉛志饒從畧

宋

詹大順字德常本太霞宮道士後奉詔赴闕賜對便殿詔授冲虛法師重和元年授元素大夫知鉛山之鴻都觀

按六霞官屬饒今其址廢爲山川壇鴻都觀屬鉛省
有元素大夫遺蹟詳鉛志飢應從畧

徐仁旺白雲山人嘗與丁晉公議遷陵寢事仁旺欲用牛
頭山前地晉公必用山後地仁旺言後山地之害坤水長
流災在丙午丁風直射禍在丁未聞者不以爲然其後言
無不驗者

舊志

夏日葵號雲巖谷神觀道士雲遊四方遇異人授以方書
遂精通道法歸值大旱郡守林公延至祠於社稷壇期以
三日得雨果驗卒年六十餘徒孫方有常得其傳書亦以

道術顯

舊志

何和尚者上饒人因丙子亂失母乃削髮爲僧刺血寫經
遍尋至燕值國方會僧六萬三千人何於會煉臂有一僧
問有何願受此苦何具言所以僧云試往京兆府金鄉縣
張宅問之至則張已俱往吉州仕宦矣復到吉州知張爲
太和尹乞食至門曰我信州人有母在此聞八言母出不
役認何具言已與母生辰并外祖父母相向大哭張令加
冠巾約爲兒許娶婦何曰初事佛求母豈可得母負吾初
心乃陳省以母不當擯張以爲買引法力爭之何日哭於

省前省爲之動後竟得母以歸

據趙文何和尙尋母序

詩曰爲經母血盡母素母容不燒蜜煉頂臂執非與肌膚豈不痛於骨爲母不斯須南北萬里餘
趁虛天高孝可辱報應非浮屠出門訪東家遇否不
可虞茫然求我天再見得所圖昔者別兒時那有此
頭顱明明陳左驗大痛絕復蘇向來相識人泣下成
歎歎收淚相勞苦何異得乳雛不卽棄其志彼張非
丈夫冠巾有婦子諒亦母所娛爲佛再有母初志不
敢渝但期百年內奉母與佛俱雖非聖賢事區區守
其愚爲君賦詩誼感我真窮孤棄我十二
年人母我獨無天涯尙可尋地下不可呼

明

廣心禪師號養菴叢桂坊人姓鄭氏華山下定法嗣也居
家孝友後祝髮入燕都訪華山真定人乃大悟爰歸信州

方外書 仙釋

仙傳

卷十二

三

住靈山中臺旋至鷲嶺峰頂見大義禪師舊址居焉

舊志

案詳鉛志

中國地方志佛道教文獻匯纂·人物卷
江西省 上饒市

上饒縣志

清·陶堯臣修 周毓麟等纂
清道光六年（一八二六）刻本

上饒縣志卷二十五

仙釋志

超然妙覺風不可攀非遠儕輩亦近等閒物外高踪人間
別致天籟忘機世緣絕累清風斯友皓月比鄰庸庸流俗
誰識其真志仙釋

唐

草衣禪師不知何許人折薪者遇諸野異其狀貌言於州長
延居南巖三十餘年人咸以草衣號之晝夜坐一繩床塊
然寂默時而發言聞者無智愚莫不領其趣建中三年權

上饒縣志

仙釋

卷二十五

德輿道經邑城聞其名往訪焉爲作記

採權德輿記增

慧覺禪師須江人姓徐氏先居南巖嘗趺坐於南巖之大義

石相傳石以是名後主鸞湖寺勅謚慧覺

舊志

宋

詹大順字德常本太霞宮道士劉正夫微時詹嘗爲其先卜

兆曰十八年後子孫當居宰輔及驗劉爲上言之政和七

年詔赴闕授冲虛法師視朝散大夫陽德觀主持凡五賜

對重和元年授元素大夫請還山詔知鉛山之鴻都觀

通志

按太霞宮屬饒今其址廢爲山川壇

江公名顯字則靈邑南四十六都黃掛村人也生宋大觀四年五月初七辰時幼失怙恃兄嫂撫養之冠遊於庠性淡泊絕仕進不婚娶好遊山水飄飄有仙氣生平多神異事兄命之樵遇雨不濡衣嫂命之耘烈日中卿雲覆頂鄉有疫病經醫者無不痊紹興癸丑年二十四遊聖塘道成易肉於池人取其骨和香土塑像以祀厥後水旱疾疫禱立應明洪武時護國有功勅封雷霆雨部侯伯都督元帥景泰三年閩賊鄧茂七作亂擾及信神復助王師討平之事聞賜冠帶蟒袍列入春秋正祀陪祀山川壇父于二墳採

獅鵑母張氏墳月光菴兄萬四嫂郭氏墳尿管灣神過此
輿輒重止焉設奠於墳輿不復重始行 國朝仍列祀典

靈異尤著云

採金鏡記及
江氏家傳增

無住本禪師江州人大惠泉嗣紹興間奉旨重勅建崇山詔

師住持後終老饒之薦福寺焉

舊志

徐仁旺白雲山人嘗與丁晉公議遷陵寢事仁旺欲用牛頭
山前地晉公必用山後地仁旺言後山地之害埤水長流
災在丙午丁風直射禍在丁未聞者不以爲然其後言無

不驗者

舊志

夏日葵號雲巖谷神觀道士雲遊四方遇異人授以方書遂
精通道法歸值大旱郡守林公延至禱於社稷壇期以三
日得雨果驗卒年六十餘呂巾石題其遺像曰備述雲巖
夏雨翁元修寂寂至無宗號令雷霆摧地魅權衡星斗斬
天虹三步朝元飛紫極九靈躡紀度罡風行溢三千歸洞
府遺下超凡入聖容徒孫方有常得其傳書亦以道術顯
嘗禱雨於郡屢獲應郡守蔣如奇旌其廬曰世承元錫舊志
何和尚者上饒人因丙子亂失母乃剪髮爲僧刺血寫經遍
尋至燕值國方會僧六萬三千人何於會煉臂有一僧問

有何願受此苦何具言所以僧云試往京兆府金鄉縣張宅問之至則張已俱往吉州仕宦矣復到吉州知張爲太和尹乞食至門曰我信州人有母在此閭人言母出不復認何具言已與母生辰并外祖父母相向大哭張令加冠巾約爲兒許娶婦何曰初事佛求母豈可得母負吾初心乃陳省以母不當擄張以爲買引法力爭之何日哭於省前省爲之動後竟得母以歸

據趙文何和尚尋母詩序

趙文何和尚尋母詩寫經母血盡長素母容枯燒蜜煉頂臂孰非母肌膚豈不痛至骨爲母忍斯須南北萬里

緣來往如趁虛天高孝可感報應非浮屠出門訪東家
遇否不可虞茫然求我天再見得所圖昔者別兒時那
有此頭顱明明陳左驗大痛絕復蘊向來相妬人泣下
成歎歎收淚相勞苦何異得乳雛不卽遂其志彼張非
丈夫冠巾有婦子諒亦母所娛爲佛再有母初志不敢
渝但期百年內奉母與佛俱雖非聖賢事區區守其愚
爲君賦高誼感我真窮孤棄我十二年人母我獨無天
涯尚可尋地下不可呼

明